

DIE XXVIII MARTII

IN FESTO

S. JOANNIS A CAPISTRANO CONF.

SEMIDUPLEX.

*Omnia de Comm. Conf. non  
Pont. præter sequ. (m. t. v.)*

ORATIO.

Deus, qui per beatum Joannem fideles tuos in virtute sanctissimi nominis Jesu de crucis inimicis triumphare fecisti : præsta, quæsumus ; ut spiritualium hostium ejus intercessione superatis insidiis, coronam justitiæ a te accipere mereamur. Per eundem Dominum.

*In I. Nocturno.*

Lect. Beatus vir. ut in eod.  
Comm. 2. loco.

Extra Quadrag. de Script.  
occurrente.

*In II. Nocturno.*

LECTIO IV.

Joannes Capistrani in Pelignis ortus, et Perusium studiorum causa missus, in Christianis et liberalibus disciplinis adeo profecit, ut ob egregiam juris scientiam aliquot civitatibus a Neapolis Rege Ladislao præfectus fuerit. Dum autem earum rem publicam sanctissime gerens perturbatis rebus tranquillitatem revocare studet, capitur ipse et in vincula conjicitur, quibus mirabiliter ereptus,

Francisci Assisiensis regulam inter Fratres-Minores profitetur. Ad divinarum litterarum studium progressus, præceptorem nactus est sanctum Bernardinum Senensem, cujus et virtutis exempla. in cultu potissimum sanctissimi nominis Jesu ac Deiparæ propagando, egregie est imitatus. Aquilanum Episcopatum recusavit, et severiore disciplina atque scriptis, quæ plurima edidit ad mores reformandos, maxime enituit.

R. Honestum.

LECTIO V.

Prædicationi verbi Dei sedulo incumbens, Italiam fere universam lustravit, quo in munere et virtute sermonis, et miraculorum frequentia innumeras prope animas in viam salutis reduxit. Eum Martinus quintus ad extinguendam Fraticellorum sectam Inquisitorem instituit. A Nicolao quinto contra Judæos et Saracenos generalis Inquisitor in Italia constitutus, plurimos ad Christi fidem convertit. In Oriente multa optime constituit, et in Concilio Florentino, ubi veluti sol quidam fulsit, Armenos Ecclesiæ Catholicæ